

*Tribunus militaris*, een *Banderheer*, ex equite aurato fiet, si diu secutus bella satis terrarum ac redituum possideat, ad tenendum & stipendiis alendum so nobiles, hoc est unam *Bendam*, quæ ipsius signum equestre in milita sequatur. Nemo enim signum sive vexillum erigere potest, nisi qui turmam hoc est *bendam* so ut minimum Nobilium stipendiariorum suo sumptu adducere potest.

*Baro* ex equite aurato, aut etiam Scutato Nobili creari potest, quando ille in suo Dominio quatuor Castellanas habentes jurisdictionem altam, mediam, & bassam (ut vocant) possidet, tum enim Rex illi conferte potest vexillum Baronatus. Cæterum hoc illi conferri non potest, nisi rebus in bello fortiter gestis. Itaque ex primo conflictu equestris fit ordinis, ex secundo *Tribunus militaris*, ex tertio *Baro*.

*Comes* ascendendo sequitur, & quidem primo *limitaneus*, quem *Marchionem* hoc est *Marcgrave* vocamus. *Comes* autem talis creari potest, qui duas aut tres Baronias in uno Ducatu conclusas possidet; Creari autem potest suo Duce in cujus ditione eas possidet.

*Comes Provincialis* deinde, id est *Landgrave*, fieri potest, qui quatuor Baronias uni Ducatui inclusas habet quem Dux in Comitem creat, aut etiam Rex per Ducis instantiam aut permissionem.

*Viconte*, *Princeps Comes*, fieri potest qui tenet quinque Comitatus aut plures in uno Ducatus comprehesos aut junctim sitos, Et potest a Duce in magna solennitate permissu Regis creari. Quod si Rex ipse præsens adsit honorabilior fit principatus.

*Dux* ex Comite qui futurus est in primis in Regno in quo coronandus est, possideat, quatuor Comitatus Principales, & in quolibet horum habeat alios quatuor Comitatus, sive Baronias illis quatuor Comitatus de & clientela obstrictos, sic jus Ducalis dignitatis consequendæ liberum habebit, Coronandus est autem a Rege vel Imperatore cui subiectus est, galero margaritis & gemmis preciosissimis exornato, in florentissima suarum ditionum urbe, idque in magno conventu Principum virorum, Ducum, Comitum, ac Baronum solenniter etiam festo celebrato, quemadmodum in coronatione Regum consuetum est.

Qui *Rex* futurus est, necesse est, ut quatuor Ducatus inter se coherentes & continuos sibi subiectos habeat, & in quolibet Ducatu civitates quatuor, in quas ipse solus Dominium habeat. In qualibet etiam harum Civitatum Archiepiscopum unum, sub unoquoque rursus horum decem Provincias Episcopales. His decoratus exornatusque Dominiis & dignitatibus Imperatoriam Majestatem tanquam suum superiorem adibit, aut ad se veniat honorifica legatione invitabit, & efficiet quo ab illo coronetur.

Recentior autem hæc eligendi Regis cæterorumque Principum lex esse videtur, quamdiu enim vagæ nationes, Goti, VVandali, Longobardi, aliæque plures suos secum Reges adducebant, non ex ampla terrarum possessione regiam dignitatem metiebantur, sed ex viribus populique adducti multitudine. Nec Ducum etiam qui primum a Longino Exarcho Ravennatensi anno Domini 569 & mox a Longobardis institui ceperunt, alius fuit delectus, quam pro fortitudine, & rerum gerendarum prudentia: Adde quod Paulus Antiquus testatur, Duces Comitesque principio ab Regibus ea lege gentibus civitatibusque præfectos fuisse, ut quor